



Aningaasaqarnermut Naalakkersuisoq

Ataasinngornermi ulloq 13. december 2010 Aningaasaqarnermut Ataatsimiititaliap aalajangernera pillugu Naalakkersuisunut ilisimatitsissut – Suliaq nr. 01.31.06/10-00513

Naatsorsueqqissaartarfimmut ilassutitut aningaasaliissutit

”Naalakkersuisut inassutigaa,

- Konto pingaarneq 20.16.01 Naatsorsueqqissaartarfik-mi aningaasaliissutit 850.000 koruuninik amerlineqassasut,
- Konto pingaarneq 20.01.01 Aningaasaqarnermut Naalakkersuisoqarfik, AN, allaffissorneq-mi aningaasaliissutit 850.000 koruuninik ikilisinneqassasut.”

Aningaasaqarnermut Ataatsimiititaliap oqaaseqaatai

Missingersuutininut sunniuteqanngitsumik Naatsorsueqqissaartarfimmut 850.000 kr.-inik nuussisoqarnissaanik qinnuteqaateqartoqarpoq.

Aningaasaliissuteqarnissamut pisariaqartitsinermit tunuliaqutaasoq ima allaaserineqarpoq:

”Kingullermik missingersuutininik malitseqartitsinerup takutippaa Naatsorsueqqissaartarfium aningaasarsianut missingersuutini 20 %-inik sippottussanngorai. Sippuisoqalerneranut pissutaapput pitsaanngitsumik missingersuusiorsimaneq malitseqartitsisarnerlu. Atuinerunermut pissutaarpiarput naatsorsueqqissaartarfium pisortarisimasaata soraarneranut aningaasartuutit, erninerup nalaani sulinngiffeqarnermut aningaasartuutit kiisalu feeriarnersuutininut siunnersortinullu aningaasartuutit.

Aningaasarsianut missingersuutininik sippuineq katillugit 1,6 mio. koruuninik annertussuseqassanganneqarpoq. Taakkununga ilanngunneqassapput aningaasartuutini allani 60.000 koruuninik annikinnerusunik sippuinerit. Kisiannili Naatsorsueqqissaartarfik suliakkiissutigineqartunit missingersuutininut naleqqiullugu annertunerusunik isertitaqarsimavoq, taamaalilluni amerlanerusunik aningaasaliissutigineqartussatut pisariaqartitat 920.000 koruunit 740.000 koruuninut ikilillutik.

Taakku saniatigut 110.000 koruuninik qinnuteqartoqarpoq nuna tamakkerlugu naatsorsuutit sularineqarnissaannut. Naatsorsueqqissaartarfik nuna tamakkerlugu naatsorsuutit pilersikkiartorneqarnerat naammassiniarlugu aningaasaliissutissanik amigaateqarpoq, tamatumunngattaaq ajortumik missingersuusiorsimaneq pissutaalluni.”

Ataatsimiititaliap tamatuma saniatigut immikkut uku Missingersuutit pillugit inatsimmut tunngasut maluginiarpai:

”Missingersuusiortarlunneq ilassutitut aningaasaliissutissanik qinnuteqaateqarnermut pingaarnertut pissutaammatt, missingersuusiortarneq pillugu inatsimmi § 28 malillugu naatsorsuutigeriinngisanik aningaasartuutit pineqanngillat, taamaammatt inatsimmut oqaasertaliussat naapertorlugit pingaarnertut ilassutitut aningaasaliisoqarnissaanik qinnuteqartoqartariaqarani. Taamaakkaluartoq qinnuteqartoqarneranut pissutaavoq Aningaasaqarnermut Naalackersuisoqarfiup aatsaat maannakkut paasisimmamagu missingersuutitigut ajornartorsiuteqartoqartoq. Taamatuttaaq naatsorsuutigisatut atuinerunissanut matusissutissanik nassaarniartoqartariaqarpoq, tassami Naatsorsueqqissaartarfiup ukiup sinneranut aningaasarsianut akiliutigisartakkani unitsuinnarsinnaanngimmagit, taamaammatt qinnuteqaat naatsorsuutigisatut aningaasat atorneqareerneranni aningaasaliissutitut isikkoqarpoq.”

Ataatsimiititaliap taamaalillugu paasivaa siumut akuersissutitaqanngitsumik aningaasartuuteqartoqartarsimasoq, tamanna Missingersuutit pillugit inatsimmi § 1, imm. 3-mik unioqquitsineruvoq, tassani takuneqarsinnaammatt aningaasartuuteqartoqarsinnaanngitsoq siunertamut siumut aningaasaliissuteqartoqarsimanngippat. Pissutsit taamaannera **kanngunaannartutut** oqaatigineqartariaqarpoq.

Ataatsimiititaliap imaaliallaannaq qinnuteqaatip itigartinneqarnissaa orniginartinnerugaluarpaa, taamaaliornikkummi Naalackersuisoqarfiup missingersuutitnik sippuisimanerit naatsorsuutit saqqummiunneqarnerannut atatillugu nassuiaateqarfigisussaassammagit. Ataatsimiititaliallu nunamut tamarmut naatsorsuutit naammassineqarnissaat suliasatut ima pingaaruteqartigisutut isigivaa qinnuteqaat akuerineqartariaqarluni.

Ataatsimiititaliap erseqqilluinnartumik naatsorsuutigilluinnarpaa ajornarsorsiutit qulaani taaneqartut 2010-ginnarmut tunngasuusut, taamatullu aamma 2011-mut Naatsorsueqqissaartarfimmut missingersuutit piviusunik tunngaveqaaqqissaarluni suliarineqarsimassasut. Taamaattoqanngippat piaarnerpaamik ilisimatitsissuteqarfigineqarnissani ataatsimiititaliap naatsorsuutigivaa.

Kukkunersiuineranut ataatsimiititaliaq allakkiap matuma assilineratigut ilisimatinneqarput.

Aningaasaqarnermut Ataatsimiititaliap aalajangenera

Aningaasaqarnermut Ataatsimiititaliap Naalackersuisut inassuteqaataat **akuerai**.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua